

Kalaallit Nunaanni aqqusinertigut angallatit pisatsersorneqarnerat atortulersorneqarnerallu pillugu nalunaarummik allannguinermik nalunaarut

(Biilini qitequtaasat isumannaallisaatit)

Kalaallit Nunaanni aqqusinertigut angallatit pisatsersorneqarnerat atortulersorneqarnerallu pillugu nalunaarummi nr. 141-mi 27. marts 1979-imeersumi makkuninnga allannguisoqarpoq:

1. § 20-p kingorna ilanngunneqassaaq:

»§ 20 a. Biilip inunnik angallassissutip annerpaamik inunnik qulingiluanik ilaasoqarsinnaasup, 1. januar 1975-ip kingorna nalunaarsorneqaqqaarsimasup, siuani issiaviit tamarmik qitequtaasaqassapput isumannaallisaatinik, issiaviit patitittartut kisiisa pinnagit.

Imm. 2. Biilip inunnik angallassissutip annerpaamik inunnik qulingiluanik ilaasoqarsinnaasup, 1. januar 2000-ip kingorna nalunaarsorneqaqqaarsimasup, siuani issiaviit tamarmik qitequtaasaqassapput isumannaallisaatinik, issiaviit patitittartut kisiisa pinnagit, kiisalu issiaviit tunorliit siumut sammisut tamarmik, issiaviit patitittartut kisiisa pinnagit.

Imm. 3. Biilip inunnik angallassissutip annerpaamik inunnik qulingiluanik ilaasoqarsinnaasup, 1. januar 2009-p kingorna nalunaarsorneqaqqaarsimasup, issiavittai tamarmik qitequtaasaqassapput isumannaallisaatinik.

Imm. 4. Varebiilip, tamakkerlugu oqimaassusissaa akuerisaq 3.500 kg-nit oqimaannerunngitsup, 1. januar 1975-ip kingorna nalunaarsorneqaqqaarsimasup, siuani issiaviit tamarmik qitequtaasaqassapput isumannaallisaatinik, issiaviit patitittartut kisiisa pinnagit.

Imm. 5. Varebiilip, tamakkerlugu oqimaassusissaa akuerisaq 3.500 kg-nit oqimaannerunngitsup, 1. januar 2009-p kingorna nalunaarsorneqaqqaarsimasup, issiavittai tamarmik qitequtaasaqassapput isumannaallisaatinik

Imm. 6. Biilip inunnik angallassissutip inunnit qulingiluanit amerlanerusunik ilaasoqarsinnaasup, 1. januar 2009-p kingorna nalunaarsorneqaqqaarsimasup, issiavittai tamarmik qitequtaasaqassapput isumannaallisaatinik, illoqarfiulli bussia pinnagu.

Imm. 7. Lastbiilip tamakkerlugu oqimaassusissaa akuerisaq 3.500 kg-nit oqimaannerusup, 1. januar 2000-ip kingorna nalunaarsorneqaqqaarsimasup, issiavittai siumut sammisut tamarmik qitequtaasaqassapput isumannaallisaatinik.<<

§ 2

Nalunaarut atortuulerpoq ulloq 1. december 2008.

Færdselsstyrelsen, ulloq 10. november 2008

IB RASMUSSEN

/Frank Thrusholm